

# LIVONIA

CERTIS PRO-  
POSITIONIBUS

COMPREHNSA,

*Sub PRÆSIDIO*

CONRADI SAMUELIS

SCHURZFLEISCHII,

Prof. Publ.

*Ad constitutum diem 28. April. A. 1700.*  
defendetur.

*a RESPONDENTE AUCTORE*

M. HERMANNO Becker /

Lemsalia prope Rigam

Livono.



VITENBERGÆ,

Typis MARTINI SCHULZI, Acad. Typ.

110  
210



## PROP. I.



*Ivoni*, sive, ut alii scribunt, *Livones* dicuntur non, ut multi putant, a *Livis*, antiquis terrae Livonicae incolis, sed nominis initia repetunt a vocabulo quodam pervetusto, sive *Ethnico*, sive *Livonico*. Quemadmodum enim *Libavia*, urbs in *Curonia*, nomen suum fortita videtur a verbo *Livonico* *Lepay* / id est, tilia, arbore, haud ignota, quoniam eo in loco, quo jam urbs *Libavia* est exstructa, ex antiquorum auctoritate & testimonio, tiliae olim magno numero confitae & repertae fuerunt. Similiter atque *Semgallia*, quam nonnulli a *Semi* & *Gallia* derivatam cupiunt, nomen suum itidem habet, ac deducit a prisca Livonorum voce, *Semmes Bals* / hoc est, a sine terrae: & ipsa *Curonia* quoque originem suam ducit a nomine Livonico *Rur* & *Semne*, unde Germanica dictio conflatur, *wo ist Land* / quod nomen antiqui *Livoniae* incolae usu triverunt, & ignorantia decepti adhibuerunt, rati, *Semgalliam* totius *Livoniae* esse terminum: haud secus, ac *Livonia* a nomine quodam Livonico nuncupatur.

## II.

*Livonia* autem, quam olim sic dicti *Livi*, vel *Letii* incoluerunt, dividitur in tres partes: in *Ethoniam*, *Livoniam* spe-

speciatim ita dictam, Trans-Dunam illam, & *Curoniam* five *Curlandiam*.

### III.

*Esthoniae* caput est *Revalia*: *Livoniae* proprie sic dictae, quam *Lettii* terram five provinciam intermediam, utpote sitam inter *Esthoniā*, & *Curoniā*, atque *Semgalliam*, vocare consueverunt, metropolis est *urbs Riga*: *Curoniae* princeps est *Mitavia*, quae hodie *Serenissimi Principis* est sedes.

### IV.

Et haec causa est, quamobrem generali vocabulo *Livoni* dicantur omnes trium partium supra commemoratarum *Livonicarum* incolae.

### V.

Speciali autem notione, qui *Revaliam*, & illius terminum, *Esthones*: qui *Rigam*, & illius fines, *Livoni*: qui denique *Curoniā* & *Semgalliam*, incolunt, *Curoni*, five aliis *Curones* appellantur. Et totius *terrae Livoniae* longitudo est 100. miliarium Germanicorum a Sinu Finnico usque, ad *Prusiam*.

### VI.

Neque tamen ex triplici hac divisione triplex, nedum quadruplex lingua oritur, scil. *Esthonica*, *Livonica*, *Curonica*, & *Lettica*, siquidem tres posteriores unicam tantummodo linguam constituunt, ut duae tantum relinquuntur: altera *Esthonica*, altera *Livonica*, five *Lettica*, five quae eadem est *Curonica*. Ex his *Esthonicam* *Esthones*: *Livonicam* five *Curonicam* *Livoni*, & *Curones* etiamnum usurpant. Contra quam gravis, & rerum Septentrionalium scriptor *Alb. Cranzius* existimavit.

### VII.

Duplici hac lingua in pagis: in urbibus autem & oppidis:

pidis *Germanica*, ex eo jam tempore, quo *Germani* a Se-  
culo inde XII. *Livoniam* in suam potestatem redege-  
runt, hodie utuntur.

### IIX.

Ad Linguam vero *Livonicam*, sive *Curonicam* ipsam  
quod attinet, intelligo eandem ex multis aliis esse com-  
mixtam, ex *Graecorum*, *Latinorum*, *Celtarum* & *Gallorum*,  
*Anglorum* & *Saxonum*, imo & *Orientalium*, quemadmodum  
omnes, *Linguae Letticae*, & reliquarum jam dictarum pe-  
riti, facile mecum sentient & judicabunt.

### IX.

Cœterum si desideratur annus, quo *Livonia* est inventa,  
alii 1148. alii 1158. supputant, quo *Bremensium* Mercatores,  
nautaeque tempestate jactati, Urbem *WVisbi* errore prae-  
tervecti atque appulsi, in continentem *Livoniae* excen-  
derunt, & incolas sensim sibi conciliatos, & merces cum  
mercibus commutare solitos, ab impio idolorum cultu  
revocatos, ad Christianam religionem gubernante *DEI*  
*providentia* traduxerunt. Primus eorum meminit in  
Chronico *Arnoldus Lubecensis*, nemo ante eum nec *Tacitus*,  
nec *Ptolomaeus*, neque in itinerario *Antoninus*, nec *Beda*,  
nec *Franci*, neque aliarum Gentium scriptores. Eodem  
modo *Esthones* nostri recentiores sunt *Aestiis*, alii *Aes-*  
*tyos* scribunt, quorum *Tacitus* meminit, de *M.G. c. XLV.*

### X.

Postea sub auspiciis Germanicis, & Germanorum  
sangvine ac sumptibus in ditionem *Martiae Gentis* vene-  
runt, eorum legibus usi sunt, & imperio diutissime pa-  
ruerunt, usque dum bellis Rusficis implicati, post mul-  
tas rerum, temporumque conversiones, *Polonis*, *Svecisque*  
obnoxii redderentur.

